

tissime glandulosis. Involucra 8—9 mm longa, lata, pilis modice numerosis dilutis basi atris setulosis sat brevibus obsita parcissime minute glandulosa subfloccosa, squamis latiusculis acutiusculis et acutis obscuris late dilute marginatis. Ligulae apicem versus substriatae. Folia lanceolata et angustiora obtusiuscula vel acuta supra densiuscule setosa (2—4 mm) subtus subfloccosa vel canescenti-viridia, caulinum parvum. Stolones perrigidi valde curvati subelongati vel longi floccosi dense setosi, foliis sat parvis vel minutis setosis subnumerosis obsiti.

Kleinasien: am bithynischen Olymp (HERMANN WOLFF n. 192).

*Ixeris lanceolata* C. C. Chang spec. nov. (*Compositae*). — Herba annua, glabra vel sparse puberula, usque 65 cm alta. Caulis fistulosus, striatus, simplex vel parce ramosus, viridis basi saepe purpurascens. Folia lanceolata vel elliptica, flaccida, tenuiter penninervia, supra obscure subtus dilute viridia et subglauca, utrinque glabra vel puberula, radicalia pinnatifida vel pauci-sinuato-dentata, basin versus angustata in petiolum alatum ca. 3—8 cm longum, caulina sessilia, basi rotundata, semiamplexicaulia, integra vel sparse minute dentata. Inflorescentia terminalis, paniculata; capitula pauca, homogama, ca. 17-flora; flores lutei, omnes ligulati fertiles, corolla glabra, tubus 3,5 mm longus, ligula tubo bis longior 1,2 mm lata, apice truncato 5-dentata, tenuiter nervosa; stamina sub fauce inserta, exserta, antherae nigricantes, ca. 2 mm longae caudicibus 0,4 mm longis, filamenta ca. 1,5 mm longa, glabra, vel apice pubescentia; styli filiformis, apice pubescentis, ca. 6,5 mm longi rami divaricati, hemisphaerici, nigricantes, 1,2 mm longi. Achaenia brunnea, glabra, 10-costata, elongato-fusiformia, ca. 4 mm longa, rostro brunneo, capillari, achaenio aequilongo; pappi simplicis, sericei albi setae capillares, uniseriatae, ca. 0,5 cm longae. Receptaculum nudum, foveolatum, convexum, ca. 1,3 mm diam. Involucrum tubulosum, basi squamulis paucis calyculatum, squamae 7—8 herbaceae, margine scariosae, uniseriatae, basi connatae, lineares, obtusiusculae, ca. 7—10 mm longae, 1,5 mm latae, glabrae apice pubescentes.

China: Kiangsu, Pao Hwa Shan (C. C. CHANG n. 198, Typus in Herb. Nat. Centr. Univ. Nanking).

Ab affini *I. versicolore* DC. facile distinguenda capitulis angustioribus paucioribusque, caule sparse ramoso, habitu elatiore, foliis radicalibus sparsis. *I. dentata* differt pappo sordido, 5 mm vix longo, achaenii rostro achaenio brevioris, achaeniis angustioribus brevioribusque, capitulis angustioribus paucifloris.